



柴辟亭詩集卷三

嘉興沈濤西雍

楊補凡上舍

昌緒

為作載酒訪詩第二圖用前韻

題四首

時自大梁歸
小住邗上

散漢都嫌卷軸貧漫聲未稱苦吟身江湖新署頭銜好
解注蟲魚磊落人

扁舟挂席趁斜曛江北江南一片雲載得兵厨京口酒
又吟詩上阿廢墳

畫壁今添遠上詞襄人正值阻風時篋中幾輩真名士
欲向壚頭問餅師

捉將官裏強勾畱泛宅生涯已卅秋有意寫他牽坂住

酒邊家具畧添不

六月二十一日偕李子文孝廉

雲章

方鐵珊蓮花

池納涼作

熱官觸熱吁可怪溽暑依然盛袍帶萬人如沸洪爐中
何由得此清涼界入門竹樹翳蒙密赤日行天自障礙
耳畔稍聞灑灑鳴百道流泉舞澎湃芙蓉一鏡方塘平
萬柄雅宜君子愛花嬌出水盪紅袂葉弱迎風飄翠蓋
擎來清露訝珠圓拗得芳根聊塵代醢雞饗裏處禪蝨
到此襟期先一快滌煩且喜具茶瓜果腹猶嫌少鮭菜
隴西狂客故逸氣欲藝旃檀展花拜苦吟詩瘦老方干
見慣花羞甚矣憊清風故人兩俱至佳士名花共含態

但覺逍遙物外游庸知炎暑人間在憶昔身居煙水窟
歲歲年年涉江采盟鷗狎鷺未渠央拾葢牽條苦無賴
自來燕趙隔吳越日逐游塵困埃壘蹄涔潢汙罕夢見
況復澄鮮映芳藹到眼忽驚魚鳥親腫背何殊駱駝疥
人生此樂亦未易放曠母爲俗拘械妙香觸鼻證淨業
結習嘔心了殘債詩成冷豔濯冰壺不比謝家初日曬

讀彭甘亭

兆蓀

小謨觴館集感賦二首

九張機絕弁山岑幾卷叢殘六代金霧隱尙疑藏死豹
魂歸應欲化飢蟬雙魚祭獺仙心雜擲米搏沙道氣深
豈有生天忘結習詩成先向碧翁吟

江關蕭瑟奈愁何憶否樓煩敕勒歌懺後閒情禪榻盡

吟邊奇氣朔雲多酒人吳市呼雌霓入山鬼湘纍帛女蘿唱煞秋墳誰索和夜深魂魄或經過

秋夜雜占四首

斷風零雨作去秋宵秋氣中平人入夢遙別是一般惡滋味不愁不病不魂銷

啾啾通夕響房櫳甚事干卿絮不窮我亦吟秋忼得句他生魂合化秋蟲

煮影秋鐙颯一絲壯裏如許境如斯抵他一服清涼散除卻秋人總未知

槭槭蕭蕭亦可哀秋聲抵死鬢邊催生憎宋玉先多事畱下悲秋種子來

津門放舟夜至西沽

漁鐙影裏下西沽柔艣咿啞聽得無海上愁心寄明月天涯飛夢落江湖荒荒淺水疎疎柳獵獵西風短短蒲此景吳頭畧相似不須歸思動莼鱸

悼亡後夢墨華用坐月聯句詩韻

洗面眼中淚想魂心上秋悲來不可極夢斷益生愁雨細蟲聲切鐙昏鬼趣幽茫茫誰遣此淒絕五更頭

四老詩和陶鳧薌太守師樑作

老樹

似此淒淒亦可憐棟梁曾許記當年虛勞匠石空山裏飽閱風霜古道邊積蘚半皴餘偃蹇枯藤相倚尚纏綿

甘棠舊蔭成搖落回首江臯更惘然

老牆

趁蝶攀花少昔游摧頽風雨幾經秋窺鄰有女曾青眼
面壁何僧不白頭蝸篆試題文字賸旗亭賭畫姓名畱
碧紗金粉都銷盡祇上荒寒月半鉤

老石

骨相嶙峋瘦不妨前身天上墮星芒鍊成五色文原幻
屹立中流柱獨當六代雲山相爾汝舊家池館盡滄桑
韓陵片碣摩挲後一例荆榛委道旁

老屋

猶記城南白板扉讀書聲裏幾斜暉數椽風雨何人守
十載江湖有夢歸親舍一鐙魂尚戀吾廬三徑願偏違
舊巢寄語曾栖燕莫傍他家繡戶飛

賈閻僊墓二首

詩人冰雪骨石室闕年華客渡桑乾水風吹楊白花祭
緣除夜例吟到夕陽斜亦有斯文契前身越淡耶

癖嗜我何甚瘦吟君獨能並時一寒尉別派九枯僧下
馬人三拜穿雲路幾層荒原冥漠客誰與爾傳鐙

家遠亭兄

蓮生

涑水官舍聽雨作

吹斷松梢又閣林昏鐙不奈影沈沈愁牽江海菰蒲夢
嬾話關河笠屐心入耳聲先催短鬢中人寒易逼孤衾
遙知此夕千山裏琴筑流泉正好音

題遠亭明湖春泛圖三首

千萬楊絲著意牽
明明湖水蕩湖煙
不如畫裏移家住
打槳春風年復年
年年愁水更愁風
爭不歸來理釣篷
閒煞西湖湖畔柳
燕南趙北又齊東
幾點雲煙過眼非
折殘柳色尚依依
輸他湖上閒鷗鷺
春水生時自在飛

與遠亭夜話兼裏里社諸子

翦鐙聯舊榻
捫蝨話新詩
癖飲茶兄健
耽吟酒弟癡
獄占桐偶躍

時赴涑
鞫囚

雨喜麥苗滋
各有還鄉夢
鷗羣知未

知

自題匏廬 并序

余於辛巳三月需次保陽
隻影蓬飄一官瓠落
秋間又得室人惡耗
羈愁鰥緒益復無俚
因顏其室曰匏廬
蓋取苦匏不材
匏瓜無匹之義云

爾

夢斷秦樓舊綺寮
側身天地此飄蕭
人如入爨焦桐樹
詩在中流瘦木瓢
蜎磨幾宮依命住
鵝籠一具挈家遙
葫蘆長柄休相問
百尺元龍氣未消

宿羅山邨舍作

黑雲截山腰
瘦日斂餘晃
茲途信危阻
前望極蒼莽
我馬亦云疲
崩劣不得上
投宿指邨舍
暫擬息塵鞅
入林

竄野狐披榛礙修蟒縛薪兩三椽落落大如掌聊藉解
鞍馱豈暇計閒敞呼鐙漉犬膏果腹拾狙橡蟣蝨一尺
牀偈仄羅甕盜雞牛共卑栖僮僕忽偃仰山空節候早
涼意佇秋爽風生氣蕭瑟月死色臙膩窗扉作鬼嘯澗
水犇濤響裂石猿叫羣觸樹虎磨瘡欬笑雜鴉鸛呻吁
訝夔魍夜靜集衆聲魂悸發遐想江南佳麗地牽絲記
疇曩煙霞歸簿領林壑恣嘯蕩判罷一無事載酒理烏
榜雨墮無所爲看雲挂吟杖詎免物役勞終愜塵外賞
中途遭多故齷齪嬰世網越烏北林翔鐘鼓爰居享土
風非所習時宜頗相强行役苦險艱悲歌徒慨慷矧茲
塞外游理更絕言象吁嗟邯鄲倡乃值竈下養摧眉七
不堪散髮獨可往歸夢落江湖乘月蕩雙槳

遠亭齋中詠芍藥

婪尾春殘爲爾留階前弄影自輕柔折來有贈伊相謔
看到將離我欲愁爾栗梢頭逢杜牧玉簫聲裏夢揚州
女郎詩格知誰好笑倚東風舞不休

三座塔寄襄吳梅梁侍御同年

傑

二首

時吳典
試關中

袖中諫草避人焚海內英雄屬使君少日才名齊驥驟
十年宦跡判泥雲試官元是歐蘇輩此地應多秦漢文
想見煎茶成好詠白袍如鶴立斜曛

停君落月皇華唱聽我聞笳出塞歌地接黃龍雄朔部
天高白雁度秋河一家甌脫窮邊大萬里風雲入抱多

西望長安餘涕淚故人消息近如何

楊令公祠

所向稱無敵如公竟死綏天心限南北臣節係安危野

史邨盲說荒祠過客疑顧亭林以為當在雁門之北口西流嗚咽水猶

似昔時悲祠下水西流劉公是楊無敵廟詩西流不返日滔滔

古北口

鎖鑰北門強羣山列劍鏃長風吹馬倒落日射關涼甌

脫今三輔鴻溝古一牆時平無設險城窟水泉香

贈吳更生州倅長卿即題夢游仙館集後

蚤年夢雨託微詞此日間情付鬢絲零落江湖一枝筆

準除勛業數聯詩鬚眉大抵宜秋氣人物還應說晉時

媿我苦吟窮愈拙方干以外只君知謂鐵珊

宿陘陽驛舍

停鞭投古驛暝色斷腸時獨夜飢颯伴荒更老鶴知榻

痕畱破夢壁疥占新詩明發征衫冷因風策蹇遲

再賦四老詩

老樹

醜怪支離若可嗔枯形閱世見精神那堪因此以為屋

幸未被人伐作薪雨露足時花亦豔冰霜歷盡氣難春

明明柯葉何曾改一任蚍蜉欲撼頻

老牆

彩飾彫殘壯勢摧短檠荒翫漸成堆邊笳唱落秦明月

野火燒餘漢劫灰花影半隨秋井塌書聲猶記暗蟲催
卽今狗竇紛紛者有客當年此鑿坏

老石

莫是山頭怨藁砧也曾松下伴題襟依然野性宜巖岫
何日輕裝載鬱林填海精靈原不泯補天文字已難尋
只應萬古中流柱手障狂瀾直到今

老屋

冷巷蕭條訪舊蹤柴門四面白雲封千間曾下孤寒淚
環堵難求兩膝容風雨漂搖經幾毀畫圖想像忽相逢
傷心卅載辛勤後更寄誰家廡下春

用笠澤置酒行韻

唾華香蝕春衫痕舉杯先屬玻璃瑰酒波湧淚瀉鉛水
一半攙入湘醪樽星暉短短燐焰大我醉欲歌鬼車和
莫將幽夢渡前溪藥叉窺人土伯餓

再用置酒行韻

有水莫湔涕淚痕有山偏阻羈栖魂醉鄉酒戶盡歡伯
更覓愁處傾窪樽眼花耳熱心膽大新詩獨吟還自和
飢驅何事長悲鳴秀語從來出寒餓

六月二十五日雨後招同秦遠亭駕部

耀曾

畢曉

山大令

裕曾

陳受笙同年

均

吳更生州倅小集席

間曉山攜書畫至共評賞故篇末及之

急雨如惡客劇來敗幽興故人似清風一至道暑病嘉

招二三子落落珠暉映共喜得簪盍未暇惜塗滯吳剛
修月斧持取作談柄無已不閉門詩句苦瘦硬愁眉唱
一杯誰抹山雲淨吏部甕頭眠恥矣餅壘罄諸公盡袞
袞下走徒不佞意得並言忘心親非貌敬今年水潦集
盛夏行秋令昨報桑乾河泛濫勢無定千里宅陽侯大
地若浮磬高田產鼃黽况乃汙邪徑哀鴻四野多悲號
竟誰聽早聞河渠議興利來白鄭捍患事更急何以拯
民命我幸無官守所苦塵生甑吟聲出飢鳶麇集徒侶
勝爛蒸壺折項飽啖鳧續脛晶飯玉糝羹設具與貧稱
閒人信難得酌酒交相慶有客發所藏特請佐觴政滕
緘瓠五石捆載車十乘雲煙欣過眼故事銷夏應淋牆
皴法善漏屋書痕靚摸絹辨宋元鑒賞雜彈評眞贗兩
不知我心更無競鰕菜逢故疾猿鶴便平野性卿等去
亦佳歸途晚風勁

用自題載酒訪詩圖韻乞受笙繪第三圖四首

粟爵偏饒原憲貧麤官隊裏自嫌身暫拋簪紱親魚鳥
又向江湖作散人

頻年薊北困風塵剩得吟裏壯朔雲有酒漫澆趙州土
幽并無數可兒墳

哀蟬吟曲蓼莪詩形影相看贈答時惆悵酒徒亦零落
煙波且覓釣魚師

扁舟猶爲故人留歸夢天涯正好秋我本浮家君莫笑

許儂畫裏買山不

受笙題前圖詩有此行恐被鄉鄰笑竟欲牽舟岸上居之句

立秋後一日坐雨寄董琴涵侍御疊前韻

涼颶先秋來已動張翰興沈陰久不開誰發楚客病比
來六七日漸見林光映怒止越蛙軾淖出晉馬滄一雨
忽戰秋又折青荷柄狂飄盡淋漓猛灑劇麤硬幽憂既
已積禪慮難復淨天公知客困有意相掉罄尚不害田
禾此語得毋佞嶽嶽董江都敢言吾所敬陂堰及溝渠
修復由舊令奉行非不善道築謀難定不見畿南北千
室懸一磬更聞淀東西千里迷一徑我歌流民歌坐客
莫倦聽義心多苦調雅奏絕衛鄭杞憂漆室嘆豈惜一
已命爨煙近屢絕昨夢飯溢甌糠覈飽何肥所恃道戰

勝夜臥幕生波晨汲泥沒脛平生戀江湖笠屐雅相稱

開府得蔣侯

謂礪堂宮保

喜色為民慶救荒有善策

宮保奏截漕運

拭目觀新政災異通陰陽此理炳史乘不聞天戒至早
有人事應俗吏飾太平婉孌頗明靚聞君修防議初不
免訕評事急竟束手擾擾徒喧競立達仁者心憂危君
子性願更陳便宜風疾知草勁

雨中排悶二首

遠山眉黛霧中橫近水漣漪半入城荒院有時搖短檝
壞簷不斷滴疎更雨腥卻帶龍涎味雷隱猶疑豹腳聲
無數官蛙齊給廩欲將鼓吹答休明
愁腸飢火漫相煎洗足關門亦自便破竈溼添寒葦火

宋履言集卷三
枯琴慢上斷膠絃無端攪夢喧荷葉是處當簾借竹烟
惆悵江湖歸未得淹留不僅坐無田

新安

晚過新安縣哀鴻四哭聲人鳥爭一屋蛟鱷睨荒城水
向天邊濶舟從樹杪行滔滔竟如是孤客亂愁生

舟中寫望

七十二沽水茫茫勢接連蘆花秋色裏帆影夕陽邊直
視都無地奔流欲到天滄波飛鳥盡極目但寒烟

津門晚泊

又向津門過橋頭此泊船湍聲憑岸怒虹影落波圓水
遠天長處愁深思渺然得魚堪佐醉且共野鷗眠

津門竹枝歌十首

望海樓頭捲畫簾東風吹皺兩眉尖蘆臺萬頃堆如雪
盡是相思刮骨鹽

鯉魚灣口鯉魚風潮信來時郎信通妾有淚痕憑寄與
染他三十六鱗紅

楊青渡頭月子彎與郎共唱大刀環年年楊柳青如此
不放蘼蕪綠上山

儂家舊住丁字沽郎今南去秦淮湖問郎丁字簾前水
流向天涯到此無

纔逐楊花送客舟蘆花又滿直沽秋楊花慣化浮萍去
爭抵蘆花肯白頭

步居詩前集卷三
爲結同心禮佛幢招提處處暮鐘撞燒香不到孤雲寺
儂若爲雲要作雙

海舶腥風上市初牛鱗空有骨專車郎來只索西施乳
魚尾猩唇總不如

貯苦停辛一寸腸愁中滋味耐思量獨流砦口桃花醋
怕觸心酸不敢嘗

王孫草綠卅兮城採藥何年到玉京儂欲伴郎浮海去
但無離別勝長生

昨夜歡歸阿那邊衛河水接淀河連紅橋便是紅牆路
隔斷西沽渡口船

獨流阻風

客從津門來喚舟獨流渡黑風白浪排銀山一葉茫如
墮烟霧筊篔調急弦聲愁急捩柁返呼黃頭獨流之水
流豈獨淀沽會合滄溟浮東臨碣石悲裏壯橫海軍容
昔相望此砦何能限契丹摩挲故壘添惆悵洪流漲沒
千家邨千邨赤子魚頭奔干戈靖後蛟龍窟居人今古
無恬魂波濤吞吐日光死野哭天低乃如此我來不乞
微生醢獨流產醋但覺酸風射眸子哀鴻啾啾豈忍聞得魚
沽酒不須論欹篷一枕待明發布帆無恙凌朝噉

由獨流至保定舟行雜詩十首

凌波一葉渺秋光便爾浮家也不妨畧比天隨少漁具
筆牀茶竈擢船郎

四圍野水浸孤邨
槿壓疎籬沒漲痕
日暮無人橫小艇
一羣綠鴨自呼門

年來漸不識鷗羣
一任當前白鳥紛
更覺此心無箇事

閒看波面起涼雲

淀繞蓮花接勝芳
枯荷折盡尚聞香
紅塵隔斷三千里

不到此間雲水鄉

青浮一角露烟鬟
雨後修蛾畫更彎
天與夕陽開粉本

數行著色米家山

楓林月黑鬼悲歌
萬感茫茫入夜多
漁火淒涼燐焰短

一齊紅出亂墳科

雙槳頻穿敗荻行
夜深鄉夢不勝情
投篙亂觸菰蒲響

絕似吳船過籬聲

枕樓晚飯興何如
鱸得銀鱗一尺魚
我意且停將進酒

腹中倘有故人書

此腹何堪酪乳麤
樽前風味又江湖
霜螯幾輩寒蒲縛

不遣詩人左手孤

枯蘆瑟瑟柳毵毵
秋色無多著意酣
幾點烟帆數聲艣

銷魂終不似江南

曉山招同徐楊小松司馬
炳餞飲用宛陵五仄體

韻

執別此痛哭俗客汗
浹背藁飲就灌坐瘴面
作楚對酒後耳更熱
喝月使倒退願各念在
莒味諫以自愛

秋夜獨坐用前體韻

夜靜默念獨顧視月在背病范抱葉墮促織絮影對響
宗魅唱續候冷瘡暑退竹色不可唾露淨與結愛

蔡二梅明經

壽昌

壬午秋闈被放主司黃左田官

保鉞

用東坡贈李方叔韻詩贈之逾年二梅寄示

索和輒亦次韻二首

蔡君聲名有如日海內無論識不識公卿爭欲致門牆
附翼攀鱗便增色秋風躑躅長安道身幾自嫌頭見責
和珍光鬱有顯晦才士數奇誰怨德西逝者日東流川
願亟努力青鐙前鯤鵬得水倏變化蠹魚食字終神仙
斯文舉世不爲口按劍相逢孰相識當塗少保有古風

愛士若飢賢易色滄海遺珠象罔求鹽車服駿孫陽責
不藏人善自貶損三復公詩真盛德公門如海納百川
梗楠杞梓紛滿前焦桐入爨長已矣
余自甲戌報罷不復應舉漼漼
淚落金銅仙

舟中夜坐

舟暝入菰蘆秋深不可呼獨吟蟲絮影危坐蝨緣鬚夜
氣清如此鐙光黯欲無聞根都宗處絕勝一團蒲

太白酒樓

酒星墮地一千尺化作詩人李太白騎鯨去後不復還
萬古江山蕩吟魄茲樓不共黃鶴碎夜夜仙人傾玉液
精靈何在呼不起落月猶疑照顏色樓前便可凌滄洲

樓畔何人吹玉笛一杯殘酒倒接離眼底茫茫天地窄
因思天寶昔喪亂醉夢乾坤醒不得拾遺悲憤徒行歌
賀監風流作狂客如公故自隱於酒俗眼何曾許相識
卽今蟬蛻三千年酒虎詩龍終莫測登樓不獨爲公弔
太息才人多失職山風浩浩天蒼蒼獨凭闌干感今昔

挂劍臺

荒臺突兀凌烟出劍氣千年消白日臺前宿草莽茫茫
臺畔悲風亦蕭瑟黃金臺高高入天利交何似心交賢
姑胥麋鹿章華草祇此靈光獨巋然吁嗟乎孫宏故人
翟公客葛帔西華少顏色延陵古墓餘蒿萊肝膽相傾
幾人識我攜一劍四海游獨倚天外凌高秋酒酣斫向

黃壚哭落日蒼涼起暮愁

雪夜東戴竹坡內姪堅

扁舟獨釣寒江罷楫柁圍爐帶葉燒忽聽打窗聲折竹
懸知挂壁雪盈瓢凍來山字吟難聳夢想園林積未消
謂君家似園好共梅花熬粥喫致余一斛當瓊瑤

冬夜漫興

一寒窮到骨佳趣復何如折腳鑰溫酒蓬頭婢讀書紙
窗蟲蛀破敗絮蝨同居忽動尋梅興東家乍券鱸

歲暮裏當湖諸子

錢夢廬

映雪觀書眼倍明一編味夢軒到三更打窗急聽爬沙

響猶道牙籤亂葉聲

屈弢園

鐵簫聲裂雯華月破竈寒無楫柁烟遙想紫華吟舫裏
流琴凍折兩三絃

朱理堂 爲燮

忍凍哦詩只自憐吹簫夢斷廿橋邊茅簷炙背吟髭落
品字柴齊山字肩

胡東井 金勝

鷗盟北郭寄蕭寒鬼唱秋墳共夜闌竹屋紙窗鐙似豆
也應羅拜古衣冠

戴竹坡

用顧俠君選元詩故事東井時輯續樵李詩繫方成

我家湖上閒題徧

黑蝶東湖曲東湖舊是我家湖

尚欠君園幾首詩白

恰臨風最年少早梅香裏獨吟時

題胡東井聽秋小照二首

詩人貌似癯黃葉憔悴西風孰寫之想見破窗蕉影裏
呼鐙起讀戰秋辭

萬木吟商自感秋干卿何事畔牢愁年來冷抱冬心慣
喚作秋人便掉頭

題明人劉完蒼驄馬南巡圖爲王簣山觀察

廣言

作二首觀察時權江蘇廉訪事

嶽嶽折鹿角峨峨森豸冠使車方直指屬郡盡臚歡此
地今猶昔如公古所難卷中有霖雨莫作畫圖看

擊奸銀手斷泣罪佛心多召伯棠誰翦臯陶面亦和持
平三尺法來暮萬人歌為語埋輪者其如驄馬何

酬王井未贈別原韻二首井未時客兩淮離使署

雨淋一隻鶴又跨上揚州少壯徒三好生涯祇四愁劍

心天盡處鳥影海東頭舉世誰相識無勞問寒修

襟袖三年淚江干錄別時可憐衣上雪似織鬢邊絲揮

手欲行矣停杯一問之簫聲腸斷處倘繫故人思井未所居

署桐月修簫行館

題許玉年孝廉乃穀孤山補梅圖三首

修竹祠堂路幾層百年零落數枝藤何時載酒孤山去

閒共梅花話中去興

萬本扶疎繞墓栽吟魂雖餒不須哀詩孫書種知多少

爭向寒蕪酌酒來史言和靖不娶無子而山家清供稱先人和靖云云又白石樵唱孤山詩

耳孫今白髮持酒酌寒蕪蓋亦自附咸平處士之後然和靖以兄子為子不礙有孫至可山籍隸龍溪霽山亦

籍括蒼皆與孤山無涉所謂瓜皮搭李皮耳

誰說花開不要詩水仙配食只君知呦呦之鹿鳴臯鶴

可更招來一補之呦呦和靖鹿名鳴臯鶴名

朱松舟學海小照用唐人松下問童子詩意

松下人聲寂不聞松花如雪落紛紛欲知此日尋真意

只問空山幾片雲

題井未韓江傲屋圖四首

雞犬圖書共一椽鵝籠家具本蕭然喜他鶴背腰纏少

塞破曾無十貫錢

穩住二分明月中不愁來往翦江風前身合是三生杜

愛向揚州作寓公

我亦來吹乞食簫

井未移居詩失笑修簫署行館分明乞食有悲聲

牽船上岸

興偏饒何時吟共西頭屋和爾鳶聲出破寮

似此辛勤已十年一枝栖託且隨緣從今不賃梁鴻廡

自署新銜玉局仙

井未新居齷齪之玉局昔修貢時玉工治玉處也

題張薇人典籍

星

歌樓聽雨圖二首

月底修簫花底笙珠喉一串裊餘清可堪昨夜東風驟
都向芭蕉作雨聲

往事淒迷欲化烟銷魂中酒奈何天披圖振觸江湖夢

篷背聽來已十年

又題其木蘭洲觴月圖

十里松陵路三分明月天與鷗分野席邀笛媵秋篇鼓
去沙棠檝舉來杜若烟烟波疎酒伴打槳自年年

贈張子真茂才

復

二首卽題其感裏詩後

特起蒼頭見異軍杜詩韓筆馬班文黃河遠上情偏壯
白雪高吟思不羣海內英才原落落世間餘子又紛紛
一腔熱血三升淚灑上蠻牋五色雲

裁花作骨鑄金胎誰遣飢驅老此才斷港黃蘆窮鳥活
荒臺秋草野鷹來因君抑塞悲歌意感我摧頽失路哀
安得寄愁天上去相逢一笑且銜杯

奉襄鳧香師正定

未許天門掉臂行十年坐嘯此專城一腔熱血從何灑
兩腋清風是處生恒嶽割愁森北峙滹沱流夢杳南征
升沈大抵尋常事吾道如今要主盟

上巳集觀復齋以江南草長雜花生樹羣鶯亂飛

分韻得南字二首時同集九人汪己山員外敬鄭

瘦山同年璜江聽香青汪小迂鴻郭頻伽磨三上

舍倪子同同張子真許訊岑乃劍三茂才期而未

至者三人張孟平大令泰青嚴子通公子達孫子

和上舍

閒居自答客難佳日且盍朋簪韻事猶今猶昔酒人不

四不三前身都是青兕後約須踐黃甘卻憶鴛鴦湖畔

鷗羣閒煞溪南

花心烘日漸坼柳枝帶雨微酣春色斷腸如許詩情搖

落何堪黃河遠上千里白雪吟共一龕除卻玉山勝地

誰人知是江南

立夏前二日集觀復齋賦送春詞以落花游絲白

日靜鳴鳩乳燕青春深分韻得游字三首是日孟

平仍未至前會未與者二人陳眉叔上舍泉趙白

亭茂才振盈

千里長淮水自流一年春事又歸休更消幾箇曹騰醉

何不花前秉燭游

難將春夢倩婆留小劫鶯花換客愁惆悵傾脂河畔路
年年孤負踏青游
風裏楊花豈自由飄零白了幾人頭如何不共春歸去
長向天涯汗漫游

贈鄭樸山 醇仁

風流文采佳公子政爾能深翰墨緣筆健萬牛迴穀鯨
神清孤鶴下蹁躑乾坤到處飄零感國士無雙會合篇
我學涪皤卧向壁作詩更爲報張顛謂子眞

襄李子文

琴調萬籟歸詩律劍截雙眸射酒波人與辛蘇同辣味
地當燕趙易悲歌臺荒易水黃金賤樓據峨眉白雪多
又是涼風起天末所思不見奈愁何

襄方鐵珊

補脣詩句哦松就沸雪茶聲折脚溫俸薄僅同蛙給廩
衙稀唯見鶴當門聽香鎮日鉤簾坐行藥頻年煮石吞
舊雨不來車跡少碧庭館名草綠長新痕

題子通烟江唱和圖

似此乘風破浪行狂吟擊楫有餘情人皆湖海嶽崎士
句挾江流激宕聲元氣爲舟殊淡沲怒潮與筆競崢嶸
漁歌四起如相答回首金焦落照明

又題其湖樓消暑圖

十年別西湖夢想欲生瘦何由煩鬱中忽對清涼境咄

哉嚴公子頗好暇以整道暑記佳游此景吾夙領岩岩
樓百尺森森波萬頃當簾借竹烟支榻憩松影清風灑
然來俗慮亦云屏外物罕攻伐內觀習乎靜取樂心太
平謂足抗箕穎豈惟蕩炎囂避此酷吏猛中歲嬰世網
有願不得逞三輔六月間火雲蒸肉嶺抖擻衣上塵躑
躅道中滯襍穢盛冠襪束縛如巨綆熱痲蓓蕾紅苦令
人痠瘡舊盟多鷗鷺應笑我齒冷今夏客長淮飄泊類
斷梗時從河朔招屢說名士餅周旋人海地譬魚游沸
鼎逝將歸去來從子買湖艇鬧紅一舸喧疊翠千山靚
南北最高峯攜手凌絕頂冷然滌襟煩快若吐喉鯁茲
約何時踐呵壁向天請

題心塵上人

无逸

鐘樓圖

樓在支硎山麓之吾與菴

畫裏尋初地樓高定幾層雲棲閒聽梵月上獨歸僧夢
不到塵世聲飛出石棱平臨山色好遲我一枝藤

讀嚴小秋

駿生

詞卷卽題其飡花吟館圖後二首

門對青溪舊板橋怪他風味似南朝無端錦瑟華年恨
付與江湖乞食簫

梅子黃時客感侵十年傷盡卷施心吹花嚼蕊渾間事
爭聽哀蟬落葉吟

伶人沈蘋洲小像

吾宗老協律今代鏡新磨自笑卽當甚如斯傀儡何當
筵紅蠟淚舊夢白蘋波各有飄零感腰圍減孰多

題唐湘漁大令維釗風雨歸漁圖三首

翩然歸夢落江湖臣本烟波舊釣徒賦罷春陵二三策
漫歌聲已滿菰蒲

矢魚具似矢民不吾道由來總直鈞抖擻軟紅塵十丈
任他風雨打船頭

我亦低頭拜杜鵑不歸只是坐無田闌紅一舸東西淀
應為荷花住許年

咏鷺

風標端合稱公子潔白誰能及此君絕似斯人兼吏隱
半隨鷓侶半鷗羣

題方鐵珊幼樗吟館詩後二首

山澤間癯豈肉謀筆端避俗總如仇一官獨冷徒三拜
半世孤吟抱四愁島瘦郊寒新律髓天荒地老舊詩囚
百篇已到清於水消得梅花飽喫不

碧城陳雲伯老去潛園屠琴塢死黃九霽青今餘兩鬢絲天地

之間晞髮集酸鹹以外補唇詩楓江葉落裏人夢竹屋
鐙青感舊思迸作商聲入吟卷此情應許白鷗知

憶鄉味

春來鄉味耐思量紫草根肥綠韭香雀餅子生挑菜煮
鴨餛飩熟漉羹嘗貓頭笋壯十斤重土步魚鮮一尺長
且食蛤蜊知許事梅家蕩蜺殼含黃

望都道中遇雪

篔空瑞葉逐輪蹄野曠天低路欲迷一嶺雄奇范寬筆
宋牧仲論畫詩華原雪景
特雄奇謂范寬雪圖也
堯姑城北勺梁西

清風店即事

倦投古驛僕痛時獨夜垂鐙有所思剝粉細看人疥壁

釵痕莫是宋娟詩
國初西洽女子宋娟有清風店題壁詩

喜晤李子文恒陽書院

五言誰授還丹訣一笑相軒刷翠眉雁塞似聞奔日逐

鹿門何幸侶天隨爨蘇酌酒攜蠻榼剝薛呼鐙讀斷碑

檢校新詩酬好景碧潭桃李正葳蕤
謂城北潭園

子文辱和前詩用韻錄別

嶽峙恒陽今太白樓高天半昔峨眉我慚螻蚓篇中雜

君定蛟龍腕底隨感憤有裏頻撫劍歌離何事數
入銜

碑明朝一掬相思淚彈徧天涯綠草蕤

夜宿伏城驛有裏子文疊前韻

狂搔半白吟詩鬢瘦減長青學道眉十日平原人惜別

一鐙孤館影相隨更誰與語韓陵石有約重尋蕭寺碑

落月屋梁愁不寐故應無夢筆花蕤

李烈女詩并序

烈女名够姐宣化人年十八未字逆奴周九窺

女如廁乘間狎抱女極力撐拒並以爪敗奴面

十指盡裂奴碎女首斃官置奴於法而上其事

於

朝廷旌異焉嘉慶己巳八月十二日事余以有

關風教作詩弔之

白茅包死麕何物感我輓女蘿倚貞松期保歲寒會狂
且彼何來夫豈冶容誨粲粲拒霜花肯作飄溷穢矢志
皦不污九死余未悔南八指先斷禽息首立碎睢陽齒
既穿常山舌亦潰嗟古烈士風此女視無媿蔚州宋家
女畸行軼流輩正氣畱乾坤百載遙相對我無朱竹曹垞
倦圃筆記事歷如繪作詩俟采風悵望一灑淚

柳河川弔常開平

紅巾擾攘真人出猿臂將軍勇無匹饑來就食識英雄
杖策軍門氣蕭瑟擒權馘亮吳漢空長驅直北誰當鋒
非不能戰慮輕戰終先士卒成大功橫磨十萬燕雲路
鏡鼓聲喧柳河渡將星忽見隕前川嗚咽川波至今怒
吁嗟乎自來開國多雄猜功高震主奚爲哉酒置舊宮
蒙被卧弓藏虞部抗疏來錄成姦黨胡藍獄武安若在
詎免族裹屍便當角巾歸爲爾臨流一慟哭

土木驛

荒城雉堞半彫殘凍雀聲聲怨紇干捺鉢何年張大幕
統軍底事屬中官天邊紫塞沙猶積地下青燐骨已寒
中外一家三萬里而今莫作戰場看

張家口大境門

偪仄難容突騎豪誰憑一障限天驕千年城窟泉猶咽

五月關門雪未消不見車書大無外謾將貢市說前朝
太平閒煞幽并健且傍陰山學射鵰

謝余子方學博珽贈鶴

臨別何曾選一錢此行原不辨蒲莧切腰纏多君幽贄能
忘俗贈我胎禽似欲仙莘野未偕呦鹿至花陰好伴
癯琴眠官貧爭奈橫添口爲汝休糧一蹶然

子方和余謝鶴詩疊韻酬之

拔釘錢與捋鬚錢腰瘦何堪十萬纏五貺可無詩賸鶴
一麾聊當夢游仙簿書堆裏清娛伴帶草香中自在眠
雨霽冲霄張仲舉莫因小別更潛然

口占贈林小桐少尹報曾三首

舉世何人擅八分桑乾河上又逢君空齋欲徧畱君字
君是當年蕭子雲

巖關絕塞漢秦餘金石摩挲願竟虛喚取襄陰舊賢令
磨厓共作擘窠書張雲巖姊聲亦工八分會攝西寧縣事

此輩何勞識姓名青泥一襪到公卿端應喚作書牆客
好配吾家畫壁生

謁家忠愍公祠

但餘熱血灑空腔絕少刀圭治頸瘡塞上萬顛爭慟哭

公因楊順安殺難民爲詩刺之有白草黃沙風雨夜冤魂多少覓頭顱之句

宮中十目太披

猖路楊死益人心快瞿鄧名先謫籍香天水冰山在何
處荒祠累代肅丞嘗

貢市紛紛乞罷兵憂危竑議到儒生萬言封事批鱗切
一賦籌邊走馬成忠憤豈應論左道英靈猶欲請長纓
白蓮風定餘霞散來奠椒漿雪涕橫

柴辟亭詩集卷四

寒宵獨坐效更生體

嘉興沈濤西雍

疊鼓蝦蟆漏點長哦詩聲更續寒螿聳成山字肩生粟
枯盡蓬根鬢有霜紅燄半殘煨芋火白波一呷翦橙觴
此情絳蠟分明會不見銅盤膩燭黃

與更生夜話卽用其韻

霜月寒生古驛樓

時寓高麗館

殘年射虎起邊愁歸來瀚海

仍遼海

宣郡塞外北臨瀚海

話到邢溝又汴溝煖酒更調冰作水

折綿應借火爲裘明朝盍就渝關道再賦東臨碣石游

平州郡城曉望疊前韻

翠被寒生凍玉樓憑高聊爲被清愁千山石瘦雲封路
一徑苔荒葉滿溝青女橫陳原嚼蠟索郎旅語勝披裘
畢逋驚起渾相識惆悵年年幾度游

雪夜不寐再疊前韻

雪滿空山風滿樓徘徊攬枕益余愁蕭蕭落葉侵虛幌
泱泱流冰響暗溝身世久拚青筠笠星霜幾敝黑貂裘
爲言海上神仙近吾欲騎鯨汗漫游

長至夜卽事三疊前韻

積雪猶明照角樓清冷錯著儘澆愁燈殘呼汁狸翻案
月黑窺藩虎墮溝論到金丹龍猛筆時話燒鍊事龍猛筆見貫休集詩
成玉唾吉光裘歲除一例庚申守冬至亦稱除夜見太平廣記禁取

三彭逐夜游

卑耳谿

寒溪繞山曲載雪理短榜一泓空水鮮終古夕陽映傳
聞齊小白弭節此發令引滿欲援弓涉淺未沒脛太公
昔表海賜履戒兼并墨胎祀忽諸夫豈先王命奈何勤
遠畧不務德修行將無俞兒神現像以示儆右祛走馬
前直以迴馭請元祖見角端耶律論乃正仲父侈諛詞
阿順得毋佞古欺受千載茲覆發誰聽王霸幾戰爭山
水仍綠淨吾意澹忘言溪流與無競

卜梨

楞梅項里佳青里徐園夥絕品徵故鄉說著尚頤朶茲

梨產山邑形質殊么麼類比常種豈張谷別名類韓村

頗剖符到孤竹適口思快果有客作桃投堆盤何磊砢

譬彼洞庭甘霜後三百顆冰脆嫩膚剝玉瑩八豐肌裹

嚼處核圓纖攜來柄貼妥含消餽可釋蒸食計儻左南

州荔枝香西域葡萄瑣石榼醞紫液梁柿綴頰卵嘉實

夙所珍俊味敵終叵石城水紅消見此恐慚囉撫寧臺頭營產

水紅瓜期離識合時將松漠波音哆土人訛閒列教六

韜將檀比亦可陳陶詩閒列檀梨教六韜檀梨陶二子

故戲及之見鈞磯立談時次兒隨任大兒畱保陽

清風臺弔夷齊

高臺百尺俯臨流終古清風北海頭豈有二難偏害鹿

叔齊害鹿事空聞一老已屠牛西周鼎重徒勞問中子

墳荒若為畱宋王炎午詩天瑞筍不生山下路周成王

國獻瑞筍一獨令薇葛擅千秋時孤竹

消寒雜詠八首

寒村

黃葉江南繫夢思酒旗山店晚風時歸鴉影亂閒門閉

凍雀聲喧野碓遲落日牛羊來古巷迎年簫鼓沸叢祠

絕憐學究冬烘甚品字柴頭坐說詩

寒渡

短蓬枯荻不成行暮色平添野水荒扶傘僧歸知欲雪

散墟人滿已斜陽空灘露淺移船急冷鷺翹沙迓客忙

猶記殘年偷下學自撐小艇過橫塘

寒昏

獨木橋頭水幾灣一星幽火照漁蠻詩情蛟窟龍湫裏
鄉夢蘆碕竹漚間亥市客疑魚網小雪灘人比釣師閒
流澌欲合風初緊龜手還應未可扳

寒樵

古槎丁丁雜狖啼

貫休詩槎深黃狖小槎養柴瀑冰路地也皮陸唱和集字止作養

滑尚攀躋唱歌聲向霜林出壓擔人應雪竇迷野火燒

仄殘毛女洞西風暮緊若耶溪休糧有客尋黃獨忍凍

芝筴手自攜

寒檠

遠鐘微動酒初醒竹屋蕭然照眼明孤館客中聽雨夜
破窗影裏讀書聲拋來牆角搖紅豆落盡缸花冷玉杵
最是三更渾欲爇風尖月碎不勝情

寒柝

不辭風雪踏深泥倚枕聽殘意倍淒別院似疑砧響雜
戍樓遙和角聲低霜濃野店人催起月落空城烏未啼
想像熏籠愁獨倚莫驚幽夢到遼西

寒醅

小槽紅滴響淙淙藍尾杯傾藥玉雙酸比釐湯排百甕
冷同木煎浸三缸但燒凍石春先到好築糟邱雪受降
風力定應冰未得明朝載上木蘭艤

寒蔬

蘆菔根肥菜葉黃齒牙一片出宮商烘來雪裏堪奴筍
醃向春前好撤薑坐客莫驚盧氏鴨藏神應訴党家羊
平生慣耐齏鹽味不羨侯鯖五鼎嘗

謁成文穆公祠

相業高陽孰並論崇祠展拜此沾巾八千女鬼何爲者
五十綸扉大有人拄笏屢迴天霽色騎箕幸避海揚塵
卽今雲石空堂裏想像當年乞退身

題湯信國公遺像

百戰威名盪寇多平倭翦勝定山河偶符茅土文丞相
孰畫雲臺馬伏波瀟灑角巾空想像飄零大樹已婆娑

當年屋脊從容坐其奈鍾山王瓜氣何

初夏卽事

惜春滋味舊曾諳檢校幽裏七不堪梅子雨肥衣上醜
棟花風緊箔眠蠶拔心草長紅初歇批頰聲殘綠又酣
一半櫻桃一半筍怎教人不憶江南

圓津菴小憩

落日懸前林稅駕尙未得塵鞅亦云疲忽覩水精域下
馬入招提紺宇七寶飾莊嚴列龍象美蔭森竹柏老衲
袒右肩拄杖出迎客茶香領半偈相對靜脉脉青豆款
僧房碧苔捫古刻昔年綿津叟曾此畱妙墨我媿鈍詞
鋒矧茲遠行役勿勿一羅預涓涓八功德梵唄古松聲

佛髻遙山色僕夫趣首塗搖鞭月正黑印度以月生至
至晦爲黑月
見唐西域記

彭雲堦大令 玉雯 招飲蓮亭卽事

曲梁古澤國繞郭水木盛有亭枕城隅頗足選幽勝市
聲遠囂雜塵慮滌煩惱一角嵐影浮千頃波光淨荷花
館舊名明瑟紀邑乘陂塘近十里菡萏開萬柄倚風翠
蓋鮮出水紅粧靚縱弱不勝梁也堪持作鏡茄下拳鷺
足葉西戲魚騰初疑亭厯下絕類湖明聖惜少舉芳人
采采理短榜主人敬愛客設具掃三徑嘯侶主鳧盟折
簡效鸚請漚藍說婆焦割翠鬪哥定連瓶抑鮓美密坐
消梨飴白波酒戶轟黛色瓜瓢映觥籌旣交錯爵算亦
無競或捉卧甕眠或起繞花詠科頭把釣竿濯足乘石
磴烟飛夕益佳水調歌可聽終宴不知疲喜脫禮法窅
平生菰蒲夢所悅魚鳥性雲霞寄遐賞泉石託逸興竭
來登薊丘數載絕游泳茲行况觸熱撲面塵土凝野馬
焰浮空吳牛喘未竟地偏心自遠值此二難并一服清
涼散足追幽憂病亭亭餘香收謾謾晚風勁客意憺忘
歸昏鐘已催暝

題樹廬老人文集

南昌彭士望號躬菴 國初布衣工古文爲易

堂九子之一少時任俠尙氣節曾脫黃石齋先
生於難甲乙之際嘗依袁繼咸史可法復參清

江楊文正公戎幕贛州失守後折節讀書晚入
程山講學以終有樹廬文集行世

鉤黨何人出范滂遺民汐社亦滄桑義熙甲子題猶恨
德祐庚申紀獨詳生祭有文畱幕府死綏無地效疆場
一腔熱血憑何灑漫說程山與易堂

再過蓮亭

一官苦繫匏十載類斷梗菱塘銷夏灣夢想欲生癭江
鄉去已遠何緣得此境杖策不厭頻物外恣游騁朱華
開轉多田田一萬頃風裳澹容與水佩自修整是日雨
跳珠急灑菰蒲打幽香盪冷豔洗出娟娟靜豈必太華
峯十丈詫玉井燕南歷數州無此好風景茲郡倘容乞
不羨登華省鶴料好探支鷗盟許管領放衙無一事亟
遣騶騎屏步出城東門翩翩角巾影尋僧話優鉢設客
但青茗家資饒芡芡漁具帶笻筇花外縛茆亭蘆中刺
烟艇鬧紅一舸喧獨漉短蓑冷但足寄嘯傲何事慕箕
穎苦筭雖硬差莫上歸田請

於廣郡買得天下名山記用綿津山人續都官草

中上元過慈仁寺買書韻

宋原注買得十六國
春秋天下名山記

飛文難遣愈頭風

時奉檄勾
當公事

書味醇如酒易中濟勝底

須腰腳健卧游不減畫圖工紬探中祕慚無分結習西
陂訝許同僮僕吏胥應匿笑笑官端合坐飢窮

三過蓮亭口占四首

臨水軒窗面面開花前一酌一徘徊
嫣然幾朶如含笑
前度看花人又來

日痕淡處冷香霏雨過新添水面肥
花下鷺鸞渾舊識
石欄干外傍人飛

葉兒樂府恨綿綿霧隱芙蓉不見蓮
占斷陂塘還占水

合教喚作藕花田

湖中葉多花少全不見水

白蓮橋北舊停橈往事關心入夢遙
記得采香人小語

荷花生日是明朝

俗以六月二十四日為荷花生日乃唐人觀蓮節也

吳越寶正四年磚歌為六舟上人

達受作文曰珍正四年

七月錢氏作凡九字

古甄一片光黝黑云是婆留舊搏埴
若非碧波亭畔遺

卽應黃妃塔邊得寶正紀年方四祀
不比乾寧歲丁巳

豈有工名勒蜀師依然國姓畱錢氏
亦稱帝制亦改元

猶說開門節度使定論千秋屬後人
鄱陽隨筆廬陵史

錢王本是英雄流保障東南十四州
玉帶錦衣榮故里

詔書冊券起三樓當年土木窮金碧
祇今荒隴埋瓴甍

壞蘇猶疑陌上花落星難問山頭石
達公達公今貫休

獨攜瓶鉢天涯游摩挲古物不忍釋
寶此奚啻琅玕球

土納尚餘殘劫燼瓦全終勝缺金甌
磨來作鏡煩師答

此磚今亦歸詩衲為語方泉白石生
且休速禮金塗塔

題勞瘁勳成霜林覓句圖二首

鴨腳林疎鴉影遲茜衫小立晚風時
亭臯葉下楓江冷

賜斷崔郎五字詩

老樹空庭客閉門蕭蕭吟鬢著秋痕微雲一抹山如黛
不是江南黃葉村

趙州僧舍

幽花與奇石繞徧祇陀林枯木定僧影斷雲間客心空
堂無怖鴿雜樹有來禽我已忘言說茶香何處尋

題王薌谷

三畏西冷詩社圖三首

白社黃墟舊夢殘煙波紙上亦蕭寒睦親坊裏羣賢集
莫作西冷十子看

河流東下日西沈獨立蒼茫百感侵浦上題襟君恨晚

酒人零落到淮陰

乙酉春夏間屢集汪氏觀復齋為文酒之會近年改七薌郭頻伽江聽香

相繼徂謝今主人己山亦下世矣

燕南趙北自年年重擬西湖釣艇牽有約當時舊鷗鷺

冷吟同上暗門船

謂查梅史吳更生尚畱薌北陳雲伯亦客吳門

相逢行贈謝佩禾莖即題其青山別墅圖後

一年相逢廣陵城麻衣如雪青衫青吹篴擊筑兩游子
江流日夜悲歌聲一年相逢在淮浦湖海襟期各傾吐
我時躍馬看吳鉤君亦聞雞思起舞燕雲粵嶠隔關山
酒虎詩龍膽不豨炎天瘴癘冰天雪能無別後彫朱顏
長條又折隋堤柳失喜天涯見吾友同是栖遲零落人
射雉城南一杯酒酒酣示我青山圖流泉奇石真堪娛
故山大好不歸去青天搔首何為乎知君不羨烏衣宅

賸有篇章述祖德卽論詩派亦雲初
六代殘山更生色
男兒識字誠可憐
餅無貯粟囊無錢
牽舟作屋豈良計
故家喬木空依然
吁嗟乎吳霜點鬢不成綠
我歌相逢聊代哭
更作嗚嗚變徵音
裂盡西臺一枝竹

書徐壽莊

嵩年

詩卷後二首

雛鳳丹山振羽新
傳家宮體筆生春
一編摘豔樊南集
絕代銷魂城北人
骨重更裁花作骨
神清應鍊玉爲神
綺裏中有豪情在
未許西崑畧問津
雲斤月斧漫雕鏤
七寶裝成五鳳樓
蚤歲雕龍應擅譽
當年洗馬最工愁
九張巧奪回文錦
片羽光生集翠裘
赤水元珠須記取
莫教象罔費尋求

雨過白蒲鎮

扁舟容與水雲鄉
晚筍餘花斷客腸
且食蛤蜊將進酒
斜風細雨過蒲塘

題冒筠干

汝翔

水繪園讀書圖二首

狂花吹滿屋三楹
流水縈迴曲繞城
歌板酒旗零落盡
夕陽影裏讀書聲
裙屐風流彼一時
樸巢此日見孫枝
林泉亦有昆明劫
莫問當年洗鉢池

徐生菴過訪半圃賦詩見贈用韻奉畱

故人雙屐到荒徑
一尊開樹古因成
屋樓高半作臺新
詩多刻竹幽夢不離梅
用世非吾事天生老圃才

苦雨三首

久雨翻成慣時晴欲放難豈真天有漏但覺土無乾紙
閣連朝暗香篝入夜寒庭蕉攪人寐應遣此君彈
地已溟池震霜仍浙水災江淮三月雨民命亦堪哀米
價如斯貴麥苗何日栽杜陵憂世抱且向濁尊開
東南財賦重一半在淮漕論豈桓寬少官何劉晏多濕
烟殘竈起饑雁滿城過府海非無策龜山奈斧柯

落葉

山童縛枯帚掃出門前路幽徑不通人終被雲封住

江上阻風寄二女藥菜

左家有女奈嬌何兩小相隨問字過但見石闌頻點筆

幾曾茅屋解牽蘿遙山學黛迎人笑黃竹成箱憶汝多

料得偷聲今夜裏爲爺先唱定風波

二女近學爲詞

寄內

客程猶滯木蘭艘斗酒何時快渡江香夢綠迷邀笛步
春痕紅上唾絨窗倦拋小婢新描繡閒聽嬌娃自度腔
生就離鸞慣飄泊沙邊白鳥又雙雙

贈鷹巢上人

定志

六朝金粉繁華地一箇枯僧若箇知法相瘦於竹尊者
天機清甚梅沙彌栖雲自定伽藍記指月先傳祖鉢詩
上人有承恩寺緣起我媿香山白居易也來參問鳥巢
及承恩寺詩存之刻

師

喜晤湯雨生協戎

貽汾

卽用贈鷹巢上人韻

青豆房中下禪榻
雨花臺畔結新知
才名久識魏佛助
畫友不數邵僧彌
都無千樹木奴橘
各有數聯人口詩
擬共浮家卜鄰並
五湖烟水釣魚師

時余僦居邗上雨生亦借宅金陵

黃天蕩遇風

一風阻三日客子甚矣憊
今朝喜新晴黃襖向空曬
舟人貪利涉我心亦云快
飽張十幅蒲渺泛一葉芥
推篷騁遠眸弔古發短噫
俄焉礮車雲下垂令人駭
疾風挾硬雨天地爲昏暝
山浮被鼉掀水立見豚拜
輕舟任顛簸疑擲置天外
將陷馮夷宮或墮羅刹界
遇坎得所止抵滴性命賴
譬彼完顏軍得脫鸛河隘
肯作枯魚泣幸免螫蛟
噉我本窶人子詎凜垂
堂戒十年馬足塵未盡
江湖債此身等浮漚茲水
信衣帶但見小漁舟衝波
入烟靄短蓑舞獨速巨浪
踏澎湃豈其忠信存涉險
了無礙夫子出於機此理
吁弗怪

題鷹巢竹香樓

晨起飲竹露晚來餐竹風
題詩竹身上入定竹光中
參玉版禪未與木犀香同
己公此茅屋吟愧浣花工

以詩乞雨生畫

曹霸丹青引王詵烟巒圖
古來能事推武夫何況名
父之子名士如君乎君才
卓犖氣俊邁藝苑聞聲三
十載每於縑素識君名如
誦坡文但稱快雲龍會合
非無緣

古梅花發丁簾前我時失職不稱意君亦卧疾滄江邊
自言六鈞兩石挽不得但能搖毫擲簡揮雲烟大小不
了樹遠近沒骨山松風吹瀑聲潺潺十三科盡掃窠臼
豈在筆墨畦町間我不能畫識畫意要養天機活潑地
五千卷軸羅胸中萬里江山紛眼際以茲寤寐通古人
面目方遺挾神髓不然意匠縱復慘淡兼經營終少畫
禪味外味君聞我言張兩眸快論謂足大白浮古今作
者誰劣優惟絕一俗能千秋君詩筆力迴萬牛畫旁題
句工冥搜老此亦足忘幽憂我今去矣狎江鷗臨歧不
用贈吳鈞乞君潑墨礬頭幅壓我歸裝虹月舟

訪陳笠雨大令

希敬

澄江官廨酒間出胥江送別

圖索題賦此誌別圖爲姊氏采石女史遺墨圖中

送別者族兄曉滄

炳垣

也

十年前識陳驚坐明月清風使君我今年又見陳使君
正值清明雨潑火深杯若下傾瀲灩故事吳中徵屑瑣
酒酣出示送行圖花月春江離恨鎖圖中送別者誰子
乃是吾宗老炙輠一江南北衣帶耳執手攀條苦無那
而況我與兩君者避面何殊尹邢左更闌行復與君別
風定潮生浪花妥卷中遺墨嬾嬋媛江上輕舟客磊砢
別君憶姊兩難堪詩未成聲淚先墮

六月二十一日陶香泉大令

焜午

招同趙艮甫

函

蔣淡衷

志凝

二上舍陸子瑜孝廉

麟書

集二嚴菴

爲歐陽文忠公作生日祀後飲福卽席賦此
揚州六月多炎囂清風故人折簡招熱官性格本孤冷
挈家況復居僧寮酒人三五屐齒折敬向前賢辦香爇
傳芭褰精神用歆散髮斜簪禮豈設公年四十稱醉翁
我亦未老頭先童坐中醉客雜醒客大半皆若蘇梅窮
公之詩文有正色何用三豪儕杜默韓潮蘇海柳河東
先後揚波始相泐麻源仙令人中豪轟飲眞同河朔塵
七百年來無此樂一千日醉將焉逃蕭蕭葉戰梧桐雨
未秋已作秋聲苦零落栖遲莫怨嗟舊游半是成黃土
謂小雲井
未諸君平山山色何青青我已往山不靈送迎莫
奏神絃曲試唱廬山高與聽

九秋詩九首

并序

羈栖江城淹歷歲序旣益牢愁矧逢搖落悲哉
爲氣宋大夫何以解憂黯然銷魂江記室於焉
賦恨鬱伊之感匪言莫申侘傺之音應候而發
數用牆東之九篇義謝灑西之八首釋勞蠲忿
豈云代彼蒼蘇弔夢歌離聊以助茲蜚蟀云爾

秋意

颼颼聲忽到松杉爽氣和愁著意攬蘆葉漸成班白叟
藕花似著退紅衫涼生細葛風初定雲映層羅月半嵌
不信秋千蟲許事畧添瑟瑟便誦誦

秋色

天然圖畫足幽尋
荻汊蘋洲又柳陰
寒淥滿庭都浸月
荒黃幾樹不成林
莫嫌老圃容偏淡
只恐新霜鬢暗侵
洗手斷腸花亂發
賺他詞客費閒吟

秋聲

驟聞浙瀝又琤琮
作賦何堪續醉翁
乍訝牀前霜是月
忽疑門外雨兼風
裏人夢醒愁千里
獨夜燈殘酒一中
更是他鄉聽不得
故園鴨腳小樓東

秋影

露華如水鬢如絲
淡到無痕有夢知
柳外月殘天更遠
花間雲破客相思
夕陽南浦迷衰草
細雨東籬寫折枝
猶記箇人秋共瘦
滿身香霧捲簾時

秋眺

淮南木落氣悲哉
向晚郊原霽色開
平遠有山皆繞郭
徘徊邀月獨登臺
黃雲且喜連阡起
白骨空餘塌井哀
酒自澆愁詩寫望
已銷魂盡更銷才

秋泛

秋風嫋嫋起蒹葭
詩思江天興未賒
黃葉一篷人載酒
滄波萬頃客浮家
長歌隔浦聞漁笛
老淚頻年感琵琶
剩有舊盟鷗鷺在
月明今夜宿蘆花

秋吟

清商何處滿乾坤
嘯徧山村又水村
菊徑自扶陶令醉
蒿墳誰唱鮑家魂
候蟲答響朝喧砌
租吏催人夜打門

好句無多渾漫與楓江五字不堪論

秋裏

欲遣幽憂首屢搔且拚痛飲讀離騷西風歸思鱸香遠
昨夢封侯太白高近事怕聞瓠子決少年曾射廣陵濤
春情減盡冬心抱莫是當時謝法曹

秋夢

曾向邯鄲道上過十年一覺近如何蛩聲幽咽驚偏斷
蝶影伶俜瘦較多越客單衾愁永夜楚天涼雨託微波
酒闌燈炮重尋處枕畔游仙事半訛

瓜州阻風口占三首

昨宵月黑拜江豚風雨今朝愴客神如此渡江亦不惡

斲肩斗酒彼何人

江湖踪跡等浮鷗愁水愁風此泊舟好景有人先著句

飛來秋翠滿瓜州

秋翠忽飛來都染瓜州樹厲樊謝雨後登大觀樓望隔江山色句也

黃蘆瑟瑟占荒灣浦溼漁舟自往還明滅夕陽烟靄裏

亂楓紅擁隔江山

意有未盡復疊前韻三首

豈不裏歸只坐貧無田我合謝江神難將獨往青山意

說向京華厚祿人

時有友人貽書促余入都

年年沙際狎閒鷗不是滄江虹月舟猶勝軟紅塵影裏

蹇驢馱夢過幽州

潮落潮生淺水灣渡江雲去復飛還蘋香一棹家何處

莫認金焦是故山

任霞山茂才

廷謨

見和阻風詩用韻奉酬卽送其

還宜興三首

江山眼底能相助風雨毫端若有神閒煞平生釣鰲手

菰蘆豈合老斯人

聚如萍梗散如鷗共此危檣獨夜舟歌吹竹西消歇盡

故應無夢戀揚州

罨畫溪頭水幾灣棹歌聲裏送君還買田應笑東坡俗

有約他年只買山

舟中談陽羨山水之勝
余忻然有菟裘之志

過白田舖感喬侍讀家伶管六郎事二首

事見初
白老人

敬業
堂集

縱棹園邊弭棹過雨絲風片奈愁何當年酒綠燈紅事
付與漁人欸乃歌

詞客重逢歎白頭樽前莫漫淚雙流幾曾見有櫻桃樹
開到張家燕子樓

題美人攬鏡圖

花非舊日紅春訝今年瘦寄語鏡中人替熨眉心皺

蘆花四首用王漁洋秋柳詩韻和鳧香師作

疑是楊花驟返魂飛來應不近朱門城頭筆策催霜信

江上琵琶感淚痕身世久拚尋獨釣烟波何處認前村

無心悟到交蘆諦好共空山老衲論

那堪吟鬢點吳霜鄉夢涸溪上下塘客被寒生初解襪

兒衣暖去不盈箱月明小艇來漁父潮落空灘上蟹王
載酒江湖舊行卷已教刊徧睦親坊

余寓淮時有蘆屋集

藉袈橋畔水田衣不為蓴鱸歎昨非泊宅一編書儻就
楓江五字句應稀秋光瑟瑟和雲冷絮影濛濛作雪飛

窮士此中藏未得大裘十丈願偏違

自來高潔少人憐占斷荒波萬頃烟冷豔直教鵬失素
短芽猶憶雀披綿陂塘買得知何日紙閣幽栖亦有年
朔管橫吹蛙兩部莫傳消息到鷗邊

友人贈牡丹數本二首

誰折芳華慰寂寥數叢深色半肩挑看花霧眼醒南客
讀畫風流數北朝

北齊楊子華有畫牡丹處見劉賓客嘉話錄

池館幾家春

尚在美人一障韻偏嬌也知富貴非吾分靜室聽香且

自聊

漫言無地起樓臺姹紫嫣紅爛漫開妃子但看沈醉後

阿奴曾未火攻來

京師唐花牡丹皆用火燻

且寬十戶彫殘賦更酌

餘春歛澹杯寄語東風齊著力莫教蜂蝶浪相猜

漢長母相忘鏡歌

銘曰見日之光長母相忘八字

土花暈碧菱花蝕寫翠傳紅盡無色曾照當年時世妝

蠶眠細字重磨拭團團日出始見光君恩如日母相忘

寒鴉猶帶昭陽影卅六宮傾瑤草荒古來苦樂恒相倚

金屋未成紈扇棄疑是長門買賦人銘詞暗惜浮雲蔽

地老天荒總淚零三商幽鍊一重冰黛蛾無復臨妝域

玉盃相將出茂陵此鏡正如天上月只恨天邊圓又缺
此鏡又如刀上環爲問刀頭何日還鏡裏朱顏有時改
那得君心鎮長在

和月泉吟社春日田園雜興

蒲芽短短柳依依雨足郊原麥漸肥新水陂塘閒射鴨
夕陽村落競呼豨采桑女浴紅蠶箔荷鋪人歸白板扉
正是故鄉農事起當年深悔裂荷衣

賦得春漸遠汀洲自綠

春遠茗溪路詞吟石帚仙碧痕初蘸水綠意漸生烟一
翦蘋香暖千條柳色妍淒迷芳草岸掩映夕陽天陌上
嘶金勒橋頭繫畫船鄉心啼鳩後歸夢落花前南浦情

何極西洲曲更傳踏青殊未晚莫悵杜樊川

寄吳梅梁少空同年二首

雞舌含香事早朝翩躚一鶴竟衝霄建章門外千條柳

可似西泠第幾橋梅梁未第時賦西湖柳枝詞折來欲
結同心結無奈相逢是斷橋之句爲

王述菴司
寇所賞

京兆堂堂挽不畱梅梁曾任
京兆二年關心三輔尚先憂報書爲

慰蒼生念十斛今年麥早收

春烟

纔過寒食又濛濛
宵徧斜陽幾樹紅
五里似霏香霧松
一絲低颺落花風
綠陰庭院茶初熟
薄暝簾櫳酒易中
最是離人迷望眼
天涯草色碧無窮

神女樓

珊珊夢境是耶非
記得神光乍合離
秦地山河曾共醉
用趙簡子夢
楚天雲雨不須疑
荒涼古館餘殘瓦
寂寞靈風颭畫旗
蠶尾句成無限恨
叢臺賓從少微詞

海子園

一名潭園

空潭繞郭渺層波
不見荷花萬柄多
此日荒榛竄狐兔
當年巨浪踏鼉鼉
放歌易墮銅仙淚
躍馬曾揮壯士戈
欲問墨崑崙舊宅
滿廊黃葉病僧過

重陽後三日登松嶺

滹南秋老野臺荒
異地登高興亦狂
楓葉明邊疑夕照
菊花開日卽重陽
天寒風急浮雲變
木落山空旅雁翔

搔首不須頻脫帽
蕭蕭吟鬢滿吳霜

楊花四首用王阮亭秋柳詩韻

百種悠揚斷客魂
雨絲風片閉閒門
天涯蕩子無家別
金谷佳人有淚痕
畫漿嬾迎桃葉渡
酒旗低颺杏花村
生成鸞鳳仍飄泊
茵溷從教一例論

不信春林便著霜
青萍一夜滿方塘
沾泥訝點紅絲硯

疊雪閒拋白苧箱
韻事漫誇江左謝
冶情應逐汝南王

藏鴉門巷兒家近
舊恨空傳勝業坊

悟到禪心不染衣
芳名如是更離非

南漢女子名見池北偶談團來

纖手凝妝竟撲盡
征旗駐馬稀
縈曳慣隨珠戶入
輕盈

故傍繡簾飛小鬟
拾取嬌無力
雌蝶雄蜂願總違

絮果蘭因亦可憐
淒迷如夢復如烟
春殘瓊樹初飄蕊
雨後青桐競坼綿
隋苑鶯飛思往事
玉關人老感流年
六朝金粉彫零盡
莫問朱樓大道邊

寒鴉

何事衝寒倦亦飛
畢逋猶未得歸栖
晚風乍驟千林黑
曉夢將殘一隊低
估客檣邊空瑟縮
佛狸祠下更淒迷
斜陽猶是昭陽影
爭忍年年祇夜啼

寒犬

不戀權門守華門
殘年風雪苦唵唵
前村吠去渾疑豹
隔院嗥來大有人
用趙師
界事魚鑰夜扃霜在柝
羊車夢斷月如銀
忍寒未肯輕搖尾
性本烏龍豈易馴

題陶花洲司馬

金殿

恒山吏隱圖用卷中李子文

韻

丞哉只合哦松菊
不羨腰金落雕督
烟雲供眼千疊山
風雨打頭一分屋
看山拄笏年復年
如君才地偏投閒
家風愛酒今元亮
事業明經舊井丹
城市自來栖大隱
詞人強半作枝官
披圖指點分符處
畱得甘棠一株樹
拂衣歸去卻重來
濃綠新條爲誰吐
脫簪散髮烏帽斜
疊鼓手弄漁陽搥
了無公事惟容傲
但有林泉便當家
吁嗟乎烟霞深處足
栖託男兒羞受一官縛
方外頭銜強自豪
胸中瀟灑真堪樂
溥南星聚興不孤
李白詩句關全圖
華陽莫漫誇真逸
栗里還休憶故居
仙耶俗耶

任呼可明月梅花鉏自荷西山爽氣要平分應倩畫中
添一我

哭吳更生

去年少微星墮地會哭詩人隴西李謂子文孝廉今年又見

隕少微誰其當之吳甌甄甄洞主婆留客燕薊栖遲

歸未得越吟時作飢鳶聲浙臉恒成死灰色與君廿載

相周旋禮法脫畧典午前支筇共蠟尋山屐翦燭常陪

聽雨眠怪君年來多迂俗十度逢迎九張角方期屋上

與瞻烏豈料坐隅先止鵬君詩藹藹春空雲君交落落

星向晨補唇枝指兩賢外謂鐵珊子虔誰復相知定爾文有

才如君今竟死失路悲歌亦徒爾空餘桃葉伴梅妻難

望冬瓜出祐子

君二子尚幼

芙蓉城中石與丁文人狡獪合

精靈巫陽不用招魂哭應有魚山神女迎

君有魚山神女圖蓋自謂

茲掾後身也

盼雪四首

花飛慳六出律暖變三冬寧凍山頭雀應鞭海底龍政

原無束濕天豈欲乾封馬耳雙尖在何時得滿松

愛日翻成畏當天赤影過豈無窮羿彈爭奈魯陽戈長

吏憂民切三農幸澤多下官願有泚難化雪滂沱

嘗聞此邦諺一麥抵三秋敢侈雙歧瑞相期十斛收地

除菜蝗

灰種

人足木棉裘

廣郡多種木棉

稽首龍天請區區願

儻酬

昨夜風饗甚依稀折竹聞開門惟見月落葉亂紛紛酒
脫金貂換香添寶鴨熏鄒枚多上客援筆佇同雲

贈邊袖石茂才

浴禮

隻手堪扶大雅輪百年燕趙幾詞人已教襄刺能驚坐
不信儒冠肯誤身斫地哀豪窮到骨盤空瘦硬語通神
傅詩我媿高常侍

余年方五十

爲問張爲孰主賓

題湯子厚上舍

璫

愈愚齋集

不將唐宋競時賢直到當塗典午前爾雅蟲魚才磊落
離騷香草意纏綿定教舉世推韓筆擬約他年作鄭箋
洗盡箏琶希古瑟須知妙處在無絃

周至伯劍

并跋

劍得之甘泉謝君佩示以周尺度之長二尺稍
弱莖長五寸身長一尺四寸七分臘廣二寸有
半強考工記所謂下制也劍身近首處款二字
曰望白望字篆法近敦敦銘白古伯字古劍如
韓之合伯鄧師吳之干將莫耶皆鑄劍人名此
至伯亦當時劍師之名或曰伯古霸字古劍銘
多取吉語陶宏景刀劍錄後漢光武未貴時在
南陽鄂水中得一劍文曰秀霸此云至霸亦其
例也然古者物勒工名自當以人名爲近

陸離古劍二尺長屈曲繞指如魚腸酒酣斫地吹一呖
至伯兩字銘其旁吾聞伯者爲明白土花繡蝕猶可識

蜚景難藏匣內光勒名莫認眉間赤或云伯霸古字通
南陽秀霸將母同隱居舊錄吾無取鄧師合伯皆神工
此真桃氏之下制滿堂賓客歎不置不數當年北海孫
錯金書辨延陵字謝君彈鋏來與俱千金脫贈歸匏廬
胸中絕少不平事引杯獨把何爲乎星眸截寸空射斗
佩犢吾慚渤海守飛揚酌爾一杯酒劍神名飛揚見龍魚河圖不須
常作蛟龍吼

韓雪坡大令

振歐

招赴北邙看花周二南明經

樂

賦詩索和

江南二月花生樹姹紫嫣紅美無度吳儂生長百花叢
嚼蕊吹香自朝暮竭來一別江南春每到花時倍愴神

遠道黃沙迷故國天涯芳草怨王孫燕南那得花如海
荒郡依然有春在勝地如逢梓澤園名流況值河陽宰
梨花一白雪作堆桃花厯亂相映開風高似爲狂香助
霧薄還將老眼揩坐中頭白看花客早歲裁詩花作骨
不愁花落改朱顏但喜花開盪吟魄一花擬贈以一詩
穠華淡冶千萬枝臨風各自呈嬌態要與騷人乞豔詞
詩成起舞酌大斗以酒酌花爲花壽歲歲寧添鬢作絲
年年常願花如繡布穀催耕啼未闌匆匆菱舍暫盤桓
生涯足抵侯封好一例桑麻徧野看鄰近村民皆以花果爲業

去我民波列桂枝一何乘海論畏香
 幸半常願芬吹麟亦如對赫氣未關
 高如鼓鞞隨大卡以厚細芬為芬
 繁華並合千萬芬韻風各自呈誠
 不然芬芬如來該世喜不謂查也
 雲華一白
 流勝
 數前



